

# تحت راية السنة 4 | لقاءات الكويت | للشيخ الحويني

أبو إسحاق الحويني

قال تعالى رأي العلم صاحبه كريم ولو ولدته اباء نيام يعظم الله القوم الكرام ويتبعونه في كل حال يتبعه السوام فلولا العلم ما سقط وبعض ايها الاخوة فيسر المراقبة الثقافية لادارة مساجد العاصمة ان تقديم هذا الاسبوع - [00:00:00](#)

تحت عنوان تحت راية السنة. والذي يشرفنا ويسعدنا ويسعد صدورنا ان يكون غيرنا فيه فضيلة شيخنا الفاضل الشيخ ابو اسحاق الحويني. اسأل الله تبارك وتعالى ان يفتح عليه وان يبارك في عقه وان - [00:00:46](#)

للمسلمين والاسلام انه ولي ذلك والقادر عليه. وقبل ان افتح وافصح المجال وننبه ان الشيخ غدا ستكون يوم خطبة الجمعة في هذا المسجد بعد العصر لا يوجد درس حتى لا يفيدكم بالجمعة فنفسح - [00:01:06](#)

واخر محاضرات الشيخ ستكون غدا بعد صلاة المغرب. هنيئا لحضرات الشيخ. اليوم ان شاء الله في بعد العشاء في منطقة الجارة. والان ننصح بمجال شيخنا فليتفضل جزاك الله خيرا ان الحمد لله تعالى نحمده - [00:01:26](#)

ونستعين به ونستغفره ونعوذ بالله تعالى من شرور انفسنا وسيئات اعمالنا من يهد الله تعالى فلا مضل له. ومن يضل فلا هادي له واشهد ان لا اله الا الله وحده لا شريك له - [00:01:54](#)

واشهد ان محمدا عبده ورسوله اما بعد فان اصدق الحديث كتاب الله تعالى واحسن الهدي هدي محمد صلى الله عليه واله وسلم وشر الامور محدثاتها وكل محدثة بدعة وكل بدعة ضلالة وكل ضلالة في النار - [00:02:11](#)

اللهم صل على محمد وعلى آل محمد كما صليت على ابراهيم وعلى آل ابراهيم في العالمين انك حميد مجيد وبارك على محمد وعلى آل محمد. كما باركت على ابراهيم وعلى آل ابراهيم. في العالمين انك حميد مجيد - [00:02:34](#)

روى الامام النسائي والترمذي واحمد والحاكم من حديث النواس ابن سمعان الكلابي رضي الله عنه قال قال رسول الله صلى الله عليه واله وسلم ضرب الله مثلا صراطا مستقيما وعلى - [00:02:55](#)

منبتي الصراط سورا فيهما ابواب مفتحة وعلى الابواب ستور مرخى وعلى رأس الصراط داع يدعو. يقول يا ايها الناس ادخلوا الصراط جميعا ولا تتعوجوا وداعا يدعو من فوق الصراط اما الصراط فهو الاسلام - [00:03:18](#)

واما السوران فحدود الله عز وجل. واما الابواب فمحارم الله عز وجل. واما الداعي الذي يدعو على رأس الصراط فكتاب الله تعالى واما الداعي الذي يدعو من فوق الصراط فواعظ الله في قلب كل مسلم - [00:03:43](#)

وكنا يعني انتهينا في درس الامس عند الازكار الموظفة وعرضنا الى شيء من معناها وان الذكر هو حياة القلب على الحقيقة ثم ان الذكر هو عبادة المحبين الذكر هو عبادة المحبين - [00:04:04](#)

آ لذلك امر الله سبحانه وتعالى بذكره كثيرا ومن علامة المحب ان يذكر من يحب في مواضع الخوف فاذا ذكر من يحب في مواضع الخوف قوي قلبه قال الله عز وجل يا ايها الذين امنوا اذا لقيتم فئة فاثبتوا واذكروا الله كثيرا - [00:04:34](#)

آ ذكره تبارك وتعالى في مواطن الخوف يعطي القلب طمأنينة وكل مرضى كل مرضى النفس في العالم علاجهم في نصف اية في كتاب الله عز وجل اللي هو المريض النفسي - [00:05:12](#)

لماذا هو مريض خائف يخاف من غد او يخاف من مجهول هو ده المرض النفسي لما ييذهب المريض الى طبيب نفسي فهذا الطبيب ان لم يكن مسلما فاهما يمرضه يمرضه من جهتين - [00:05:43](#)

الجهة الاولى انه احيانا يدلّه على المعاصي بيقول له انت انت قفل من امتي ما حبتش ما لكش بنت كده بتترفه عنك ما بتسمعش

موسيقى كلاسيك او حاجات رومانسية كده ولا مش عارف ايه والكلام ده - [00:06:12](#)

من يوم ما تولدت وانا اقفل لازم نشوف لك مفتاح او طفشه. لازم لازم تتفتح. تتفتح بايه؟ تتفتح بحاجات زي كده. جرب الحب. جرب بقى لك علاقات مع الجنس الاخر - [00:06:37](#)

اخر جرب تسمع موسيقى مش عارف ايه الكلام ده ده انما يدله على الهلاك وكثير بكل اسف من الاطباء النفسانيين اللي هم الناس اللي ما لهمش علاقة بالدين يعني يدلون المرضى على شئ من هذا - [00:06:52](#)

الجانب الاخر الادوية التي يعطيها للمريض النفسي او للذي وقع تحت الوسواس القهري. واحنا النهاردة انا كنت وعدت بعض الاخوة الذين يسألون عن علاج الوسواس القهري ان شاء الله في اخر هذه المحاضرة - [00:07:08](#)

آ الادوية دي ادوية مخدرة كلها تلاقي انسان عنده هياج نفسي يكسر الدنيا. يكسر الازاز والكبايات وبتاع والنيش ويدخل كله في بعضه فيروح للطبيب فيدي له حبوب هيقلع زي المستول - [00:07:29](#)

على الكرسي كده يحدق في الهواء يوم الجماعة يقول لك الله شف العلاج جاب النتيجة هادي وكويس لا ده مش هادي ده مسطول هذا الانسان انا احتاج الى عقله. هو بيغيب له عقله - [00:07:43](#)

زي ما هو الى متى يعني هيفضل غائب العقل؟ يعني كل ما يفيق يكسر الدنيا ده اذا ضيع له حياته. وبعدين بتبقى ادمان بعد كده الطب النفسي ملخص في نصف اية - [00:08:01](#)

في كتاب الله عز وجل وهي قوله سبحانه وتعالى الا بذكر الله تطمئن القلوب. ادي الطب النفسي كله لا يتجاوز هذه الاية لان الاطمئنان عافية القلب ولا يكون اطمئنان الا اذا - [00:08:20](#)

انتهت مشاكلك يعني اللي ما يكونش عندك مشكلة مالية ولا مشكلة صحية ولا لا اذا توكلت على الله عز وجل حق توكله. بس احنا لم ندق طعم التوكل مشكلتنا - [00:08:40](#)

لم ندق طعم التوكل الذي يتوكل حقا ليست عنده مشكلة الانسان الخائف من الرزق طيب يبقى عنده اموال والشيطان يلقي اليه فكرة كان في احد اخواني رحمه الله كان من الاغنياء - [00:08:57](#)

والكلام ده يعني بتاع عشرين سنة ورا كده كان من الاغنياء كان رأس ماله في ذلك الوقت حوالي نصف مليون في ذلك الزمان يعتبر كان مبلغ ضخمة جدا يعني فجأة - [00:09:24](#)

سيطر عليه فكر انه سيمرض وان هو هيدخل مستشفى استسماري اللي هو نزام دبح الفندق ستين في المية وممكن ثلاثة طب اربعين في المية وقد تجد فندق مية في المية وطب مية في المية بس كله بحسابه - [00:09:42](#)

فلما سيطرت عليه الفكرة واصل الوسواس كله عبارة عن فكرة تغزو القلب وانت لا تدفعها تستمرؤها او تهمل تهمل دفعات تبتدي تكبر تكبر تتضخم لحد ما انت تتصور لا يمكن دفعه - [00:10:04](#)

فلما سيطرت عليه الفكرة دي وكمان سيطرت عليه فكرة انه هيدخل مستشفى استسماري. قال لك ده يبقى على كده النص مليون دولار يكفوني شهر واحد. الله! طب انا اعمل ايه وابتدي - [00:10:22](#)

تعيش المشكلة كما لو كانت وقعت ودخل في طور نفسي يعني ظللنا معه فترة طويلة يعني مجهود كبير لحد ما بدأ يتخلص من الفكر دي طب ده ده هو ما هو ده عمل الشيطان - [00:10:32](#)

قال الله عز وجل الشيطان يعدكم الفقر كل واحد على حسب مذهبه يعد الفقر المهم يعد الفقر باني مذهب زي ما تيجي معه هو شاف السكة دي لقلبك يمشي فيها. دي مش نافعة يشوف سكة تانية. المهم المحصلة انها ايه؟ يعدكم الفقر - [00:10:50](#)

فالانسان اذا اذا علم انه مرزوق مش مرزوق ايه يعني يقول لك فلان كويس يقول حي يرزق. لأ يرزق. يرزق يعني ايه؟ الكوارس نازلة على دماغه. من الرزق وهي المصيبة. لا حي يرزق - [00:11:14](#)

وليس يرزق. ماشي انا اعلم ان الله عز وجل خلقتني قدر لي رزقا لابد ان يصلني لازم هيصلي باي سبيل ما عرفش انا معتقد ان الله عز وجل لن يضيعني - [00:11:35](#)

العلماء آ زي البخاري وغيره دخل قصة صاحب الخشبة في باب الكفالة الكفالة كتاب الكفالة. وذكر ده اول حديث في الكتاب قصة الخشبة دي انا يعني ساذكرها موجزة واهدي هامش عليها كده مهم عشان اصحح بعض الخطأ عند بعض الناس. بمناسبة ذكر هذا الحديث - [00:11:57](#)

لتنظر لما تكفل الله عز وجل به كيف كان تصرفه قال صلى الله عليه وسلم الحديث حديث ابي هريرة عند البخاري واحمد وغيرهما فسلف رجل من بني اسرائيل من رجل الف دينار - [00:12:22](#)

راح يستلف منه الف دينار قال له ائتني بشهيد. قال له كفى بالله شهيدا قال له ائتني بكفيل. قال كفى بالله كفيل. قال له صدقت لا اريد غير هذا واعطاه الف دينار بلا مستند لكن ببيالة ولا شيك ولا وصل امانة ولا الكلام ده - [00:12:44](#)  
الا ايه كفى بالله كفيل كفى بالله شهيدا قال له صدقت. لا اريد غير هذا اخذ الرجل الف دينار ونزل في البحر يتاجر الى موعد الاجل المعلوم اتفقوا بعد سنة مسلا بعد شهرين بعد ثلاثة زي ما ضربوا موعد مع بعض - [00:13:02](#)

في اليوم اللي المفروض الراجل يسد الدين فيه هبت ريح عاصف وكان بين الدائن والمدين بحر توقفت حركة الملاحة والراجل واقف بالالف دينار علشان يركب مركب ويروح لصاحبه وصاحب الدين واقف على الشط الثاني مستنيه صاحبه - [00:13:20](#)  
على حسب ما متفقين توقفت حركة الملاحة قلت لكم والدنيا اتقطعت الرجل المدين اللي معه الالف دينار قال يا رب جعلتك كفيلًا وشهيدًا. هيقول علي ايه؟ كلته يعني خدعته بك - [00:13:38](#)

قلت له بس كفى بالله شهيدا كفيلًا ويزن بي السوء ان انا كلت المال والكلام دهوت والراجل على الايه؟ الثاني صاحب الفلوس على الشاطئ الثاني. يقول للناس ما شفتوش فلان؟ يقول له اه شفناه - [00:13:57](#)

موجود يعني. الله! ما جاش يعني فقال ربي جعلتك كفيلًا وشهيدًا. ادبت اعطيته المال بك ده بيقول ايه وده بيقول ايه المهم الراجل المدين يعمل ايه خلاص ما فقد الاسباب اهو. احنا كنا بنتكلم عن التفويض والكلام ده. والعلماء من يقول التوكل اعلى من التفويض. نقول لا التفويض اعلى. قلت لكم انا - [00:14:12](#)

في امبارح يعني ان مش هندخل في تحقيق المسألة لان انا عايزة وقت تحتاج وقتا طويلا لكن البخاري حطه في كتاب الكفالة الكفالة اه ما لقاش حاجة يعملها جاب خشبة - [00:14:39](#)

بعد ايه؟ يعمل تجويف في الخشبة دي وكتب كتابا منه الى صاحبه قال له انا يعني اخدت المال وجعلت الله وكيفا وشهيدا ولم اجد مركبا وحط الكتاب في الايه؟ وهذا ما لك - [00:14:56](#)

وحط الالف دينار في الكيس والكتاب اللي كتبه لصاحبه في الكيس. وحطه في الايه النقرة بقى اللي عملها التجويف اللي عمله في الخشبة دي وزج عليها لجج عليها يعني ايه مسمرها ادى مسمارين كده وبتاع عشان - [00:15:11](#)

ثم رفع بصره الى السماء وقال ربي جعلتك كفيلًا وشهيدًا فاوصل هذا الدين الى صاحبه. ورمى الخشبة في البحر دي بقى خشبة. السفينة بقى اللي قد كده بتبقى على الموجة عاملة زي الريشة - [00:15:25](#)

اتصور خشبة زي دي قد كده البحر يبلعها الراجل الثاني واقف انا لله وانا اليه راجعون عليه العوض حسبي الله ونعم الوكيل. كل الفلوس وهرب بتاع الكلام ده. الشيطان شغال معه في - [00:15:39](#)

لأ كده خشباية واقفة عمالة تتأرجح الماء لا بتروح يمين ولا شمال واقفة في مكانها وتطلع وتنزل مع المية فلما يأس قال يعني لا فلوس ولا دفا اخدها اخذ الخشبية دي اتدفى بها انا وعيالي في البرد القارس ده - [00:15:56](#)

الخشبة وتناولها ولما وصل للبيت بقى كاس فالبال حزينات يا ابني الشاكوش والقذوم ضرب الايه الخشباية قامت نازلة الايه السرة فتح الصرة لقي الايه؟ الكتاب من صاحبه انا وعجزت ان اجد مركبا ومش عارف ايه الكلام ده وهذا ايه وهذا مالك - [00:16:12](#)

كل ده والراجل برضه المدين يلتمس مركبا لان ما ينفعش ان احنا نسدد الديون بكده تقول له انا الفلوس بتاعتك باعتها لك مع الحمامة ما عدتش الحمام عليك ولا المش عارف ايه والكلام ده. ها؟ لا زي ما انت خدت يدك بجذ ترد يدا بيد. ما فيش حاجة اسمها -

[00:16:32](#)

باعته لك مش عارف مع مين ولا مع الريح ولا لا ده ده لجأ الى يعني حالة ايمانية اعترته واراد الا يساء الظن به اخبت الناس من جعل الله عز وجل - [00:16:49](#)

ذكية يتأكل بها وهو كاذب اخبت الناس ادي الايمان الغلاظ عشان ياكله ويجعل الله جنة او يجعل يمينه جنة لا شف عيسى عليه السلام والحديث في صحيح مسلم من حديث ابي هريرة - [00:17:07](#)

قال عليه الصلاة والسلام رأى عيسى عليه السلام رجلا يسرق الحديدس فيقول ايه؟ رأى بعنيه يعني فقال له اتسرق؟ قال والله ما سرقت فقال عيسى امنك بالله وكذبت بصري حتى لا يحنث في هذا الاسم العظيم - [00:17:28](#)

الذي به قامت السماوات والارض ما ييقاش هين عليك لدرجة انك انت تاكل مال خايب ما لوش قيمة وتجعل يمين الله جنة قال امنك بالله وكذبت بصري الراجل كل اللي يهمه في الموضوع الا يظن صاحبه انه جعل الله جنة بينه وبينه حتى يأكل ماله. فلجأ الى هذه المسائل الايمانية فالحكم - [00:17:52](#)

ما ينفعش ترجع بالنزام ده فيبقى اذا هو مطالب بايه بسداد المال اخذ الف دينار اخرى معه الف دينار اخرى وواقف على الشط يستنى ايه؟ المركب. الدنيا هدأت والامواج هدأت وبدأت حركة الملاحه - [00:18:17](#)

تمشي كده راكب سفينة وقام رايح لصاحبه وقال هذا ما لك جزاك الله خيرا. والله ما منعني ان اتيك في الموعد الا ان هذا اول مركب اجده وصدق ما فيش مركب قبل كده - [00:18:33](#)

فقال له صاحبه هل ارسلت الي شيئا قال سبحان الله اقول لك هذا اول مركب. برضو ما رضاش يقول انه رمى لي ده حته ورع دي طالما ما اتكشفتش تبقى متغطية - [00:18:50](#)

ليه؟ لان ممكن العمل يحبط. تحب بقى ان الناس يعرفوا وبتاع خليه طبعاً ما فيش حد يعرف خليه قال اقول لك هذا اول مركب فقال له ارجع راشدا وقد ادى عنك وكيلك - [00:19:07](#)

شف في صحيح ابن حبان من طريق اخر لابي هريرة رضي الله عنه في هذا الحديث يقول ابو هريرة فلقد رأيتنا نتمارى نتجادل يعني. عند النبي صلى الله عليه وسلم وتتعالى اصواتنا ايها امن من صاحبه - [00:19:25](#)

الذي القى بالخشبة في البحر متوكلا متوكلا صحيحا على الله عز وجل او مفوضاً؟ ام الذي لم يجحد المال؟ ما كان ممكن يقول ما خدتش حاجة. هات اتأخرت علي كان زمانى قلبت المال دورة - [00:19:47](#)

ولا دورتين وبتاع وجبت لي هامش ربح ولا مش عارف ايه وبعدين قال له ادى عنك وكيلك ارجع راشدا فقد ادى عنك وكيله آ الحشية اللي انا عايز اعملها على الحديدس ده بمناسبة ان انا قلت ان البخاري وضعه في اول كتاب الكفالة - [00:20:05](#)

كثير من الناس بيحبوا يكفلوا يتامى ليه؟ لان ثبوت الحديث الاجر الصحيح كما في حديث النبي صلى الله عليه وسلم انا وكافل اليتيم كهاتين و اشار بالسبابة والوسطى. السبابة اللي ايه؟ اللي هي - [00:20:24](#)

هي دي اسمها السبابة ليه لان الناس في الجاهلية العرب في الجاهلية كان اذا اراد احدهما ان يسب الاخر اشار اليه بالايه؟ بدية السبابة. بعض علماء المسلمين قال لك نسميها السباحة - [00:20:39](#)

السباحة بدل السبابة عشان في التسبيح والكلام ده بتحركها وكده. لكن السبابة هي التي ايه كان الرجل يشير بها الى الرجل اذا اراد ان يسبها قيل لا السبابة لا دي هذا. السبابة والوسطى انا وكافل اليتيم كهاتين - [00:20:52](#)

الكفالة بقى انك انت تدفع مبلغ لأ مش دي الكفالة اللي انا عايز اصححه ان من اراد ان يكفل يتيما فلا بد ان يكون عوضا عن والده الذي مات القصة مش قصة فلوس - [00:21:08](#)

قصة رعاية نفسية بس دي هتعمل لنا مشكلة انك انت عشان تقوم بالدور ده لابد ان تتزوج ام اليتيم. ازن مشكلة. ها؟ كده هيتقفل باب الكفالة. لأ انا عايز اقول - [00:21:32](#)

لأ يعني آ المال مش هو الكفالة الكاملة اللي ممكن تصل بها الى هذا الاجر العظيم يبقى كتفك في كتف النبي دي حاجة بسيطة ترمي قرشين ويبقى تصل لهذا الاجر الكبير؟ لا بس انا مش كده. اه الاموال جزء من كفالة - [00:21:47](#)

جزء من الكفالة بس مش هي الكفالة التي تعطيك هذا الاجر. تبقى كده ما تجيش ما تجيش بمبلغ لكن اليتيم انت لما بتكون تتزوج ام اليتيم آآ بتقدر ترعى الولد وخلص يبقي زي ابنك بالضبط - [00:22:05](#)

نفسيا ماليا تراقبه وتربيته شيئا فشيئا فشيئا تكبره. على الاخلاق والدين والى اخره دي الياه؟ يبقي هي دي الكفالة. ها؟ ولذلك كفل الله عز وجل او تكفل الله عز وجل الخشبة - [00:22:23](#)

تكفل بالخشبة فحفظها ده البخاري عمل الكفالة عشان كده انا عايز اقول نرجع بقى للكلام الاول ونقول ان اي ان انسان عنده نوع من الاضطراب النفسي حله ان يثق بربه - [00:22:42](#)

ده حله ما تقوليش ده كلام. اه كلام لكنه حق انت مش قادر تعمله وطوع نفسك تعمله زي ما بتحرم نفسك اذا كنت مريضا من الذ الاكالات لاجل ان تبرأ - [00:23:11](#)

لابد ان تحقق التوكل تحقيقا صحيح الطب النفسي كله مختصر فيه هذه الاية الذين امنوا وتطمئن قلوبهم بذكر الله الا بذكر الله تطمئن القلوب انا لن اضيع وهو كفيلي لن افتقر - [00:23:26](#)

وهو كفيلي يعني انت بتقرأ الاية وتوكل على الحي الذي لا يموت وسبح بحمده الاية دي انت بتقراها كده لكن انت عارف تحتها معنى كبير وانا هذكر لك اية كمان - [00:23:54](#)

لان لو زكرت الاية الثانية جاييز تعرف تربط بينهم على طول تسبح له السماوات السبع والارض ومن فيهن وان من شيء الا يسبح بحمده ولكن لا تفقهون تسبيحهم انه كان حليما - [00:24:22](#)

غفورا حيثما وجدت صفة الحلم اعلم ان العبد مستحق للعقوبة مئين ما تلاقي صفة الحلم اعلم ان العبد مستحق للعقوبة وبالعقوبة اللي اللي العبد ارتكبها الاية دي ايه؟ تسبح له السماوات السبع - [00:24:42](#)

والارض ومن فيهن وان من شيء الا يسبح بحمده ولكن لا تفقهون تسبيحهم. مش عارف الهدد يسبح ازاى ولا مش عارف يسبح ازاى والكلام ده انه كان حليما على ايه؟ من ممر. على اننا لا نفقه التسبيح - [00:25:08](#)

على اننا لم نسبح. طب مغبة ترك التسبيح ايه السنة بتنفع هنا بقى عشان كده بقول لك الذي ينظر في كتاب الله عز وجل اذا كان عالما بالسنة تفسيره يصعد القلب على طول - [00:25:25](#)

ما يببقاش مجرد كلام ابدأ. السنة دي روح بيان القرآن واحنا بنتكلم بقى على القرآن لان هو القرآن اللي القائد اللي على ايه؟ اللي على رأس الصراط وتوكل على الحي الذي لا يموت وسبح - [00:25:45](#)

ما كانش كفاية وتوكل على الحي وسبح ما هو الله عز وجل لا يموت انما يموت من خلقهم الانس والجن يموتون. اما الله عز وجل فحي لا يموت قال لك الحي - [00:26:07](#)

صفة الحي صفة مشتركة بين العبد وربيه كل بحسبه الله عز وجل حي وحياته كزاته خلاص وانت حي يبقي الله حي وانت حي والله لا يموت وانت تموت يبقي لا يموت دي - [00:26:34](#)

فيها نوع من تطمين العبد انه طالما انه حي فهو مكفول لو تصورنا مثلا والله المثل الاعلى في واحد من الناس من اكرم الناس لا تقول لي معن بن زائدة ولا هنطلع لفوق وما تقوليش بقى لا جعفر بن ابي طالب لا ما واحد ما جابتوش ولاد - [00:27:12](#)

مئين ما تزوح قبل ما تاخذ نفسك وتقول له انا عايز كزا يقوم ما لي جيبك فلوس ما ذهب اليه قط الا واغناك اكبر مصيبة تصيبك ان يموت هتروح لمين - [00:27:35](#)

هو ده اللي بقى اللي كافيك وده اللي رافع عنك والكلام ده فانت تدعو له بطول العمر من قلبك ليه؟ لان هو كافيه طيب اذا كنت تواصلت مع عبد الى هذا - [00:27:55](#)

الله عز وجل حي لا يموت قلقان من ايه ايه اللي مقلقك يعني طيب انت عايز تستدلي بالرزق قال لك وسبح بحمده ايه الدلالة في كده ؟ حديث عبدالله بن عمرو بن العاص في مسند الامام احمد وهو في كتاب الادب المفرد للامام البخاري ايضا وهو حديث صحيح -

[00:28:11](#)



قال صلى الله عليه وسلم اه لما حضرت نوحا الوفاة دعا ابنه او ابنيه روايتان يعني فقال اني قاص او قاصر عليكما الوصية. او عليك الوصية. يعني منين ما يكونوا هم الاثنين يبقى ايه؟ تنني او - [00:28:35](#)

واحد بيبقى ايه تفرد يعني امركما باثنتين وانهاكما عن اثنتين امركما بلا اله الا الله انا عايز اجيب محل الشاهد عشان ما اطولش في الكلام وامركما بسبحان الله وبحمده فانها صلاة كل شيء وبها يرزق الخلق - [00:28:59](#)

يبقى اذا انه كان حليما غفورا يبقى انت انا وانت ما نستاهلش الاكل لان الجمد يسبح واحنا لا نسبح انه كان حليما على ايه بقى؟ انه يرزقك بغير استحقاق منك. ليه؟ لانه - [00:29:27](#)

ترك التسبيح. عشان كده ذكر الله عز وجل التسبيح بعد الاية؟ وتوكل وتوكل على الحي الذي لا يموت وسبح بحمده. سبح ليه؟ لانها سبحان الله وبحمده صلاة كل شيء وبها يرزق - [00:29:45](#)

الخلق يبقى الانسان ده يعني حقق بقى التوكل تحقيقا صحيحا وهذا طبعيا لا يتأتى ابدأ بالكلام فقط انما بالممارسة بالممارسات انت ما مرش في حياتك كده مواقف اتزنت فيها وكنت هتضيع ثم انجاك الله. اذكر الكلام ده - [00:30:01](#)

مر بي الموقف الفلاني والموقف الفلاني وعافاني الله عز وجل دعوت الله فنجاني لماذا لا ينجيك انجاك ينجيك يبقى نرجع ونقول بقى الامراض النفسية كلها سببها اضطراب القلب فاذا ابتعد القلب عن الله عز وجل ولم يكن ذاكرة له بدأ يدب الخلل اليه. عشان كده قلنا الذاكر الموظفة كلها انما هي حياة القلب - [00:30:27](#)

فكل واحد منكم بقى يجيب الذاكر الصحيحة ويحفظها زي القرآن ويبتدي يلهج بها. يلهج على طول. منين ما يخرج من البيت يدخل البيت يشوف الرعد يشوف البر يشوف مبتلى يشوف يبص في المراية يشوف الريح - [00:30:54](#)

الكلام ده على طول كل آآ يعني آآ حاجة في الكون لها ذكر. يبقى انت ايه لا تزال ذاكرة. كما قال آآ هذا الصحابي الجليل للنبي صلى الله عليه وسلم. اوصني - [00:31:09](#)

بوصية قال لا يزال لسانك رطبا بذكر الله. سبحانه وتعالى آآ فاذا كان الذكر هو عافية للقلب. وآآ ذكرنا ان هذا القلب له اعداء كثر. كل الاعداء بيتقاتلون على لاجل هذا القلب - [00:31:20](#)

يبقى بقاء قلبك سليما هو دلالة على وصولك الى نهاية الشوط سالما اه الصراط المستقيم الذي ورد في كلام النبي عليه الصلاة والسلام اللي هو انه الاسلام اخره الجنة والله يدعو الى دار السلام. كما ورد في بعض طرق الحديث. يبقى - [00:31:37](#)

اخره الجنة. انت ماشي بقى حياتك بتدب بالاخطار طيب وانت ماشي ما بين السورين دول هناك افكار متعددة الافكار دي بحجم ثلاثة وسبعين فرقة التي وردت في حديث النبي عليه الصلاة والسلام افترقت اليهود على احدى وسبعين فرقة وافترقت النصارى على اثنتين وسبعين فرقة - [00:31:57](#)

هذه الامة على ثلاث وسبعين فرقة كلها في النار الا واحدة قالوا من هي يا رسول الله؟ قال ما عليه اليوم انا واصحابي انا عايز اسألك سؤالا واجب بينك وبين نفسك بصدق - [00:32:26](#)

تعرف تفرق ما بين اي فرقة والثانية اكثر الناس لا يعرفون انت بتعرف ما عليه اليوم انا واصحابي في باب الاعتقاد في باب السلوك في باب الفقه اكثر الناس لا يعرفون - [00:32:48](#)

وتبغى النجاة ازاي انا امثل لك بقى المحنة دي شكلها ايه كل فرقة باب فانت قدامك ثلاثة وسبعين باب انت وعلى كل باب رجل يدعو اليه والناس ماشية بقى عمالة وده باب اخرته يا جنة يا نار مش لعب يعني - [00:33:09](#)

يعني حاجة مش بسيطة يعني فانت بقى ماشي تدور على الابواب على الباب اللي تدخل منه ده باب واقف عليه واحد لسانه بليغ حججه مرتبة وانت فاضي اللي هيدخل ودنك - [00:33:37](#)

هو ده اللي هتدخل بابه قد يكون على باب هؤلاء المبطلين اناس اوتوا من قوة الحجة ونصاعة البيان ما ما يخلق قلبك ايش ضمنك بقى يعني في واحد بلغ من بلاغته وكان الثغ - [00:33:55](#)

بيقول على الره يه وهذا معدود من العيب عند العرب ان يكون المرء الفه فكان بيتكلم يفضل يتكلم بالساعة كده ورا بعضه ورا بعضه

ما يجيبش كلمة فيها حرف ره - 00:34:19

ابد وما يقعدش يفكر ولا كده واحد ملأ مرة قال له ايه؟ قال له قل كده امر الامير بحفر بئر انا حاطط له في كل كلمة مصيبة مطب امر  
الامير بحفر بئر - 00:34:40

قال اوعز القائد ان يقلب قلب على طول يعني هو بيقول له فلما يكون واحد لما يكون بيتكلم ما يجيبش حرف ره وكده لسانه هادر  
شف بقى ده بقى لما يقعد يتكلم ولا - 00:35:05

فانت دلوقتي انت كرجل طالب للهدى في محنة كبيرة النبي عليه الصلاة والسلام الذي قال كما في حديث ابي هريرة عند النسائي  
وابي داود وغيرهما انما انا لكم كالوالد يعلمكم - 00:35:24

والوالد من اشفق الناس على ولده ما ساب لكش علامة الباب الوحيد مبهمة بل بينها لك علشان وانت بتلف على الابواب ما تدخلش  
غلط وتفترق هذه الامة على ثلاث وسبعين فرقة كلها في النار فالمفروض تخاف - 00:35:41

الا واحدة ما سكتش النبي عليه الصلاة والسلام عشان انت تجتهد بقى وتقعّد تدور والكلام ده لأ ما هي يا رسول الله؟ قال ما عليه  
اليوم انا واصحابي هل اعتقادك الان كما كان عليه الصحابة - 00:36:06

لا ده الثلاثة وسبعين فرقة ضربت باطنابها في ديار المسلمين اقربها مثلا لما تسأل اي واحد من العوام اين الله بيقول لك في كل مكان  
غلط الله عز وجل ليس في كل مكان - 00:36:27

انما الله في السماء وعلمه في كل مكان ادي الاجابة الصحيحة العلماء قالوا لو كان في كل مكان وتعالى الله عن ذلك لكان موجودا في  
الحشوش وموجود في المستنقعات ما هو في كل مكان كل دي من صيغ العموم - 00:36:45

وكان موجودا في بطن السبع وفي مش عارف ايه وفي ايه عملوا شوية الزامات كده لكلمة في كل مكان. لأ الله عز وجل في السماء  
وحديث معاذ بن الحكم السلمي في صحيح مسلم - 00:37:06

لما صك الجارية وضربها لما اتى الذنب فاغى فعدا على الغنم واخذ غنماية فصكها ضربها على وشها. طبعا ضربة على الوش حرام  
الضرب على الوجه حرام. النبي عليه الصلاة والسلام قال اذا قاتل احدكم فلا يضرب فلا يضرب الوجه - 00:37:20

ان الله خلق ادم على صورته ضرب الوجه حرام فلما ضربها معاوية بن حاكم السلمي رضي الله عنه وذكر النبي صلى الله عليه وسلم  
قال اتى الذنب فعدا على غنمه واخذ غنمة وانا رجل اسيف من بني ادم اسف كما يصفون فصككتها - 00:37:41

فتغير وجه النبي عليه الصلاة والسلام وعظم ان يضرب الوجه على طول بادر معاوية بن الحكم السلمي قالوا يا رسول الله افلا اعتقها  
كفارة هذا يعني الضربة دي افلا يعتقها - 00:37:59

قال ائتنى بها فجاءت الجارية فقال لها يا جارية اين الله قالت في السماء قال من انا قالت انت رسول الله قال اعتقها فانها مؤمنة لأ  
جم بقى جماعة بقى من اهل البدع وقال لك لا يجوز ان يقال اين الله؟ السؤال غلط - 00:38:16

لان الله عز وجل لا يحده زمان ولا مكان وهو اوسع من السماوات واعظم من العرش وبتاع والكلام ده قعدوا يشقشقوا في المسألة دي  
حتى ان بعض هؤلاء كان في حضرة احد آا الامراء السنة - 00:38:43

سألهم اين الله؟ فواحد قال له لا فوق ولا تحت ولا شمال ولا جنوب ولا وراء ولا امام ولا داخل العالم ولا خارجه الامير بالسليقة كده  
قال هؤلاء قوم ضيعوا ربهم - 00:38:57

لا فوق ولا تحت ولا داخل العالم ولا خارج العالم. امال فين؟ لا الله في السماء بنص القرآن امنتم من في السماء يجي المبتدع يقول  
لك من في السماء الملائكة - 00:39:14

ويجوا على حديث معاوية ابن الحكم السلمي يقول لك لأ الجارية كانت جارية خرساء والطريق الذي ورد فيه التجارية خرساء طريق  
المنكر لا يصح واصح طرق الحديث ما رواه مسلم في صحيحه بالسند الصحيح المتصل - 00:39:29

انا عايز اقول اهي دي حاجة تتعلق برب العالمين تبارك وتعالى اين الله؟ يقول لك في كل مكان. لا مش في كل مكان غلط القصة دي  
اتتنا من عند النصارى - 00:39:46

انا وانا طالب في الكلية في قسم اللغة الاسبانية. قرأت كتابا في اللاهوت كان الفه قس اسباني انا كنت عمال اقرا بقى يعني من باب ايه اللغة وان انا آآ - [00:39:58](#)

اعرف اترجم وحاجات زي كده. فوقفت على هذه الحكاية التي ضربها اه قسيس مثلا للطلبة في الكنيسة وهو بيعلمهم اين الله فاتى بماء وسكر قال لهم ايه ده يا ولاد؟ قالوا هذا سكر. وايه ده؟ قالوا هذا ماء. قام مدوب الياه؟ السكر في الماية - [00:40:12](#)  
قال لهم اين السكر قالوا في كل الماء قال كذلك الله كذلك الله. لأ دي جاية دي مسألة حلول بقى وان الله يحل والكلام ده. لأ فانا عايز اقول ما كان عليه السلف الاول - [00:40:35](#)

في باب الاعتقاد وده طبعاً اهم الابواب جميعاً لما يتعلق بالله تبارك وتعالى. والنبوات ويتعلق بالفقه يتعلق بالسلوك. ما عليه يوم انا واصحابي اذا كل واحد منا في محنة حقيقية - [00:40:58](#)

اذا لم يعلم علامة الباب الوحيد فليكن هذا شاغلك الشاغل قبل ان تبحث عن المعاش قبل ان تبحث عن آآ اي آآ يعني آآ عن اي شيء تحتاجه في حياتك ابحت عن الطريق - [00:41:30](#)

الذي يوصلك الى الجنة الطريق من هنا هذا اما ان تستدل عليه ان تكون طالب علم. او ان تسأل احدا من اهل العلم واهمال الناس للتعلم او اهمالهم لمصاحبة اهل العلم هو احد اسباب هذه الكارثة الرئيسة - [00:41:48](#)

حتى على مستوى الحياة نفسها. التجار مثلاً الذين لهم تجارات وآآ شغالين في الاستيراد والتصدير والكلام ده بيبقى التاجر له

محاسب ومستشار قانوني وليس له مفتي برغم ان المحاسب ياخذ فلوس - [00:42:16](#)

مستشار قانوني بياخذ فلوس. المفتي شغال ببلاش مجاناً يعملوا مجاناً ومع ذلك التاجر بيتاجر وهو جاهل بفقه البيوع عادي خالص ونحن امة مستهلكة يعني اعداؤنا هم الذين ينتجون. احنا بنشتري ونبيع - [00:42:38](#)

الصناعات في بلاد المسلمين قليلة. اذا قيسست بالصناعات في بلاد اعدائنا او في بلاد الكافرين الكافر ده لما او هذا الرجل لما بيصنع حاجة انت بتروح تشتريها بيحط بقى يضع شروطا للبيع - [00:43:04](#)

قد يكون شرط من هذه الشروط محرم. محرم في ديننا. وهو ما يهموش مش حاكمه حاجة. اللي حاكمه هامش الربح يكسب يأمن

المكاسب بتاعته فما يهموش يحط شرط يحط اثنين يحط ثلاثة فيه مخالفة. انت كمسلم لا يجوز لك ان تخالف دينك - [00:43:26](#)

ان الذي يخالف دينه ليجمع المال كالذي يمسح خده بنعله ان هذا المال انت ستتركه لمن خلفك ولن يترحم عليك وهيضيع المال كله ويصرف المال كله وانت مع السلامة يبقى لما اكون انا رجل مسلم - [00:43:48](#)

ومعنى مسلم اي مستسلم لي سيد امر ما بشتغلش من دماغي لما اعقد صفقة من الصفقات اتصل بالمفتي مش المقصود المفتي

الرسمي يعني. المفتي اي عالم يعني ممن يفتيه يا فلان انا اريد ان اشتري البضاعة الفلانية وقد اشترطوا علي الشروط الاتية واحد

اتنين ثلاثة اربعة - [00:44:21](#)

هل ترى في هذه الشروط اية مخالفة شرعية؟ قال لك لا ما فيش مخالفات الله يربحك حتى لو كان المفتي مخطئاً. انت ما علكش اي

حاجة واسألوا اهل الذكر ان كنتم لا تعلمون - [00:44:44](#)

قال لك دي في مخالفة في الحنة الفلانية والحنة الفلانية ممكن تسأله طب هل لو انا عملت كذا مكان دية يجوز وممكن يكون عندك

اكثر من حل للقصة دي. هيقول لك يجوز لا يجوز - [00:45:01](#)

ويبقى آآ يبقى مكان المفتي قبل ما كان المحاسب القانوني المحاسب والمستشار القانوني ده يكون رقم واحد ما انتاش قادر توصل

له بالتليفون رح له البيت دي مسألة ما فيهاش فيها فصال لان ده حلال وحرام - [00:45:17](#)

هل التجار الان عندهم مفتي انا بما اعرفه من واقع التجار مش عايز اقول لك تسعة وتسعين في المية ما يعرفوش حاجة عن الموت

ما بيسألوش اصلاً مفتي ولا مش مفتي القصة دي مش في دماغهم ابداء. اللي في دماغه تاجر ويربح ويعمل وخل وساوي وخلصت بعد

كده - [00:45:36](#)

لا هذا ينافي العبودية. هذا ينافي العبودية. يبقى الانسان لما بقى اذا اراد ان ينجو يبقى عليه ان ينظر الى ما كان عليه عليه السلف



الاول وكل ما تطلع لفوق - 00:45:56

كل ما تلاقي الدنيا سهلة ها انت عارف انا همسل لك دلوقتي الفرق بين من يصعد الى فوق ومن ينزل الى تحت فيما يتعلق بطلب

الهدى الاسلام يا مصر والمسلمون - 00:46:10

كفاعلي العلاقة بينهما هكذا زي الهرم رأس الهرم انت بتحت نقطة فوق وتسحب ضلعين بقى كده النقطة دي هي زمان النبي صلى الله عليه وسلم ما فيش فيها ابعاد. ولو فيه ابعاد هتلاقي ايه؟ ابعاد يعني قليلة جدا لا تكاد تذكر - 00:46:34

يبقى اذا النقطة دي هي المصباح كل ما تنزل لتحت تزداد المسافة بين الضلعين بعدا بين النص وبين تطبيق المسلمين لهذا النص. كل ما تنزل تبعد طب انت كل ما تبعد عن المصباح - 00:47:07

الاضاءة بتقل يبقى الحل ايه؟ تقترب من المصباح تعمل ايه؟ تطلع لفوق ما تنزلش لتحت كل ما تطلع لفوق ستصيب خير القرون قال صلى الله عليه وسلم خير الناس قرني - 00:47:33

ثم الذين يلونهم ثم الذين يلونهم كثير من الناس يروي هذا الحديث بهذا اللفظ. يقول خير القرون قرني لأ غلط لفظة القرون لا تصح من جهة الرواية لا تصح من جهة الرواية. فانت اذا اردت ان تروي الحديث كما هو يبقى خير الناس وليس ايه؟ وليس خير القرون -

00:47:54

خير الناس قرني ثم الذين يلونهم ثم الذين يلونهم. كل ما تطلع لفوق تجد الصحابة لم يختلفوا في باب الاعتقاد واختلّفوا في الاحكام الفقهية ليه؟ لان الاعتقاد لا يعني يحتمل اختلافا - 00:48:21

ما تلاقيش الصحابة اختلّفوا في مسألة عقدية خالص لكن اختلفوا في مسائل الفقه الحلال والحرام بالعشرات وتشوف بقى الخلاف الذي كان بينهم كيف كانوا يختلفون يدبّحوا بعض واللي شنقوا على بعض ويفطروا على بعض واذا شافوا جاي من سكة يقوم واخذ طريق ثاني ومش عارف ايه وكل مذكور الخبيث المبتدع قال قال زي ما احنا - 00:48:41

نشوف الزخم الموجود النহারدة لا علم ولا ادب كلهم في بعض وبعدين ايه يعني لما يتكلم في اخيه في مسألة فرعية اختلفنا في مسألة فرعية. اي مسألة بالحلال والحرام ما يكلموش - 00:49:10

يقول لك ده هذا خبيث هذا مبتدع ده كذا ده صفة دلعت وده الكلام ده. لأ الصحابة ما قالوش كده الصحابة لم يكونوا كذلك. يعني خد مثلا شريحة من الخلافة - 00:49:28

آ السنن سنن الترمذي وغيره ان ابا هريرة رضي الله عنه حدث يوما فقال سمعت رسول الله صلى الله عليه وسلم يقول اتوضأوا مما مست النار كان من نواقض الوضوء - 00:49:40

قديم ان الذي يأكل اكلا مسته النار او يشرب شرابا مسته النار ان يجدد الوضوء ليه؟ لان كان الاكل من الطيبخ او الاكل من اللي تشرب شاي تشرب حاجة ده من نواقض الوضوء. زمان يعني. وبعدين نسخ هذا الحكم - 00:49:55

نسخ هذا الحكم ابو هريرة رضي الله عنه لما حدث بهذا الحديث اعترض عليه ابن عباس وقال له يا ابا هريرة كيف اتوضأ من طعام اجده في كتاب الله حالالا - 00:50:15

يعني انا عايز اكل لحمة اكلها نية كلها مطبوخة يا ابا هريرة افلا نتوضأ من الحميم يعني احنا في الشتا والجو بارد. بتسخن مية عشان تتوضى ايه؟ بالمية. يعني اذا انت بتسخن الماية اللي مستها النار يعني وضوءك منتقض وانت - 00:50:33

بيقول لي يعني افلا نتوضأ من الحميم؟ يعني ما ينفعش اتوضأ بماية سخنة عمل ايه ابو هريرة قبض حصى حتى ملأ يده بها وقال اشهد عدد هذا الحصى انني سمعت رسول الله صلى الله عليه وسلم يقول اتوضأوا مما مست النار. يا ابن اخي - 00:50:56

اذا حدثتك عن رسول الله صلى الله عليه وسلم حديثا فلا تضرب له الامثال طيب وصح عن ابن عباس رضي الله عنهما انه قال اكل النبي صلى الله عليه وسلم من كتف شاة ثم دعي فصلى ولم يتوضأ - 00:51:25

لو كان ابن عباس قال الكلام ده لابي هريرة كان ابو هريرة اعترض عليه طب لماذا قال له ابو هريرة ابو هريرة هذا لان ابن عباس رد النص بجدل عقلي - 00:51:47

ما هو كي اتوضاً من طعام اجده في كتاب الله حالاً؟ افلا نتوضاً من الحميم؟ ده كله امثال يضرب له المثل. طب انا معي نص معي رواية وسمعتوها من النبي صلى الله عليه وسلم. فما ينفعش تلغي النص باي جدل عقلي حتى لو كان معقولاً بالنسبة لك - [00:52:04](#) فان النصوص الشرعية قد يكون بعضها لا معقول المعنى لا معقول المعنى. تقوم انت تتلقاه وانت ساكت الصحابة كانوا بيعملوا كده. كان عمر بن الخطاب رضي الله عنه لما قبل الحجر قال ايه؟ كانوا مش اللي انتم عارفينه. اني لاعلم انك حجر لا تنفع ولا تضر. ولا - [00:52:24](#)

لولا اني رأيت رسول الله صلى الله عليه وسلم يقول ما قبلت. يعني عمر لا يرى علة لتقبيل الحجر لا سيما نقبل الحجر في قوم كانوا يعبدون الحجر المكان المناسب سدا للزريعة ما نبوسش الحجر - [00:52:44](#) ها لا نقبله ولا نلثمه علشان ما يجيش واحد يقول لك دي عهد من الشرك وكانوا بيلسموا الاحجار ومش عارف ايه كان مناسب فلم يرى فلم يجد عمر علة للفعل الا الاتباع - [00:53:01](#)

سامع الكلام؟ حديث ابي سعيد الخدري عند ابي داود وغيره. كان النبي صلى الله عليه وسلم يصلي وبعدين جاءه جبريل عليه السلام قال له ان في نعلك قذرا وهو بيصلي خلع النعل حطه على جنب. ايه الصحابة كلهم قاموا خالعين نعالهم وحاطينها على ايه؟ على جنب. فلما قضيت الصلاة قال ما حملكم على ان خلعتم نعالكم؟ قالوا يا رسول الله - [00:53:17](#) وجد ذاك خلعت فخلعنا ده الكلام ده ايه قبل ما يقول لهم لماذا خلع لماذا خلع نعلهم؟ ما هو اصل لماذا خلع نعله؟ هي دي معقول المعنى اي له علة - [00:53:38](#)

لكن قبل ما يعرفوا اي علة شافوه خلع النعل ابو خالع النعل ما هو ده قانون الحب قل ان كنتم تحبون الله فاتبعوني. بدون ما يعرف انها معقول المعنى ولا مش معقول خلع النعل وحطه على ايه؟ وحطه على رجله. فقد يكون الحكم لم - [00:53:52](#) معقول المعنى بمعنى لم تظهر لي الحكمة من تشريع انا مش هوقف التنفيذ الحكم لحد ما انا افهم بقى. يفهم يا لاء. لأ ده بقى خرق لقانون الاتباع ففي آ احكام تعلل وفي احكام لا تعلل - [00:54:11](#) وفي احكام قد تعلل باكثر من علة يعني انت ما تعرفش تحط ايدك على العلة المناسبة او على العلة القوية. زي مثلا قول النبي صلى الله عليه وسلم ينضح من بول الغلام ويغلق - [00:54:30](#)

من بول الجارية طبعاً اللي هم ايه لم يطعما الا اللبن لكن لو اكلوا اكل ثاني غير اللبن يغسل من الجميع. يبقى الولد اللي لسة بيرضع اللي غذاء اللبن فقط - [00:54:43](#) والبنت اللي لسه بترضع للجارية اللي هو غذاؤها اللبن فقط لو ان الولد تبول على ثيابك قال لك ينضح زي ما تكون بتبخ عليه كده بس حاجة بسيطة يعني. انما البنت لازم تغسل الهدوم - [00:54:59](#)

طب لماذا والبول واحد ليه؟ لماذا التفريق واحد قال لك هو كده اسمع الكلام وانت ساكت وحدة قال لك ده معقول المعنى هذا معقول المعنى منهم الامام الشافعي مثلاً على ما رواه ابن ماجة في سننه بعد الحديث ده. ان في بعض اصحاب الشافعي سأل الشافعي عن العلة في التفريق - [00:55:16](#)

الامام الشافعي قال له كلمة كلمة ونص كده هو ما فهمهاش بيقول له ايه؟ بيقول له خلق الله خلق الله ادم من تراب وخلق حواء من ادم قال له مش فاهم - [00:55:41](#)

فاعاد عليه الكلام قال له فهمت. قال زادك الله فهما طب انتم فهمتم؟ طيب. زادكم الله فاهم بص بقى بيقول لك البول ده عبارة عن الغسيل بتاع الجسم ده الماية اللي بتغسل الجسم - [00:56:01](#)

وصار البول فرعاً على الجسم اللي هو الاصل فادم لما خلق من تراب غير حواء التي خلقت من ادم. ازاى قال لك لو انت مسلاً عملت معجنة الجماعة اللي آ في الارياف والكلام ده لما كانوا بيضربوا بقى الطوب الني والبتاع والكلام ده يسيب المعجنة لما تخمر وريحتها تتغير - [00:56:27](#)

ويجب التبن ويحطه على الطين ويقعد يقلب فيه يوم ويومين ويسيب المعجنة لحد ما يطيب المسألة دي وبعدين يعملوه طوب

وانت معدي جنب المعجنة وهي معفنة كده ريحتها مطاقة ولا لأ - [00:56:56](#)

ايوة مطاقة عديت جنبي حمار ميت شد مناخيرك ولا لأ قال لك الطين لما يعفن مقبول الريحة لكن اللحم لما يعفن ما يتقبلش. قال لك فبول الانثى اخبت من بول الذكر - [00:57:13](#)

عشان ده اللي يقصده الشافعي. قال له ادم خلق من تراب وحواء خلقت من ادم تمام؟ اهو ده تعليل اه بعض العلماء زي ابن القيم وغيره اظهر علة اخرى والعلة دي يمكن آآ علة برضو مناسبة وآآ الحكم قد يعلل باكثر من علتين يعني. اكثر من علة اقصد يعني -

[00:57:35](#)

قال لك العرب قوم يحبون الذكران ولا زال الولد هو العضد والسند واللي بيشتيل اسمك ومفتحين المضاييف وكيادين العدا. الكلام اللي بيقولوه في الارياف. ها! ما هو يقول لك الصبيان او الذكور فتاحين المضاييف كيادين العجل - [00:58:01](#)

ها مش النساء فطول ما البيت فيه رجالة مفتوح والكلام دهوت طول ما البيت فيه حريم ما بتعرفش تدخله. لو دخلت وقربت منه يبقى فيه ربية وبتاع والكلام ده فيحبوا الزكور. وانتم عارفين قصة بقى ايه؟ وأد الإناث والحدوتة دي - [00:58:25](#)

فبيقول لك من فرحتهم بالولد كل ده يشيل وده يشيلوا شقة طول بعضه ومش عارف ايه. فلو بال عليهم جميعا فالزمناهم بالغسل لشققنا عليهم والشريعة انما جاءت بالايه؟ بالتيسير. انما البت كوب محطوطة كدهو لحد بيشتيلها ولا حد يببص عليها. انا طبعاً انا

بوصف - [00:58:43](#)

ها عشان بس ما فيش حد يزعل ويقول آآ انا جاي على النساء ولا بتاع لا بالعكس البنات حبيبات واسهل في التربية واحن من الولاد معروف يعني. لكن مقصود ايه العرب كانوا كده. يقول لك البت محطوطة كده لحد ما يببص لها ولا بتاع بت وفي الآخر بربيهها ويأخذها

غيري - [00:59:03](#)

واحنا بننتفع بها حتى ولادها لا ينسبون اليه. كمان يعني فص ملح وداب يعني آآ مكتوب بالكربون. لكن الولد لأ. فقال لك يبقى اذا

مناسب برضه وضع الحرج عن الناس بان هو ايه يسهل على الناس فيما يتعلق ببول الذكر اللي هم ايه - [00:59:23](#)

الكلام ده ايه في الاولاد الصغيرين اللي هم ايه قوام حياتهم اللبن. انما لو كل بقى اديته بسكويت ومش عارف ايه والكلام ده خلاص يبقى ايه الكل يصل. فالقصد الحكم قد يعلل وقد لا يعلل. فعندنا الاحكام الشرعية اما ان تكون معقولة المعنى اي الحكمة من تشريعها

ظهرت والسبب بان - [00:59:43](#)

واما ان يكون آآ على سبيل الابتلاء. هو كده وخلص. اسمع الكلام ونفز ما تقولش ليه هو انا هعطل التنفيذ لحد ما افهم ولازم افهم

ومش عارف ايه والكلام ده. ممكن ما تفهمش. ممكن الحكم ما يكون لوش اه علة - [01:00:03](#)

ها فاذا لم يكن اذا كان الحكم تعديا محضا العلة لا تنتقل الى الفرع لان العلة مقصورة على الاصل واحنا ما نعرفش نعدى ما نعرفش

نعدل الحكم من الاصل الفرعي الا لو كانت العلة تسمح بالانتقاد - [01:00:17](#)

الوصف اللي موجود في الاصل ممكن يكون موجود في الفرع عشان اعدي العلة من الاصل الفرعي. المهم فانا فاحنا بنقول بقى ايه

يبقى الانسان زي زي ما بنقول الاحكام الشرعية قد تكون هكذا - [01:00:33](#)

وقد تكون هكذا. ابو هريرة انكر على ابن عباس انه يرد النص بجدل عقلي وعشان كده قال له يا ابن اخي اذا حدثك عن رسول الله

صلى الله عليه وسلم حديثا فلا تضرب منه الامثال. بس قال الكلام ده بعد ما عمل ايه؟ ملأ - [01:00:47](#)

كفه بالحصى وقال اشهد عدد هذا الحصى انني سمعت رسول الله صلى الله عليه وسلم يقول يتوضأ مما مست النار. اذا ثبت الخبر لا يجوز لك خلافه الا بخبر اخر. يكون بقى يا نسخ يا منسوخ يا مطلق يا مقيد يا مجمل خاصه عام. مجمل مبين هيكون على حسب

القواعد - [01:01:03](#)

فترجع ونقول الصحابة الذي ينظر في حياة الصحابة يرى ان اختلافهم كان مؤدبا وبرضو ده لم يمنع لم يمنع ان هم يكونوا اخوة

متحابين. هذا النفس الزكي ادب الخلاف يعني. آآ كان يتوارثه - [01:01:25](#)

عن الصحابة وتابعوا التابعين عن التابعين وبتاع والكلام ده. لحد ما وصل العلماء الكبار لنشوف الاوزاعي امام اهل الشام الذين الذي

قال فيه ما لك لا يزال اهل الشام بخير ما بقي فيهم الاوزاعي - 01:01:44

اختلف هو سفيان الثوري في مسألة عند الكعبة اه سفيان يقول يقول والاوزاعي قال يقول المهم اتناقشوا لحد ما اصواتهم ايه؟

ارتفعت الاوزاعي قال ايه؟ قم بنا نلتعن عند المقام - 01:02:03

يلعن بعضنا بعضا عند المقام يعني ان تحيق اللعنة بالايه بالمخطى مثلا او كده فتبسم سفيان فتبسم سفيان آآ وقال الامر اهون من

ذلك يقول الراوي ثم رأيت سفيان يأخذ لجام بغلة الاوزاعي - 01:02:23

وهو يقول اوسعوا لبغلة الشيخ يسله من الزحام. لسة بيقول له نلتعن والكلام ده وماسك لزام البغلة وسفيان الثوري ده حدوتة كبيرة

اوي اوي. عشان هو اللي يمस्क لجام بغلة الاوزاعي. قصة تانية خالص. ويقول اوسعوا لبغلة - 01:02:52

ولما مات الاوزاعي قال رجل سفيان الثوري اني رأيت وردة قلعت من ارض الشام فقال ان صحت ان صح ما تقول فقد مات الاوزاعي

فجاء نعي الاوزاعي في اخر النهار - 01:03:10

والامام اسحاق ابن ابراهيم ابن راهوي ده احد ائمة الحديث الكبار يعني ابو حاتم الرازي يقول والعجب العجب منه انه لم يخطى قط

في رواية من الروايات ده كان من اقران الامام احمد بن حنبل. كانوا اصحاب - 01:03:30

وكان جاي من خراسان الى بغداد يقول احمد ما عبر الينا احد الجسر مثل اسحاق الفقه لاسحاق من الرواية كان له مذهب فقهي زي

احمد بن حنبل ومالك الشافعي وابو حنيفة وكده - 01:03:51

طالما عبر الينا احد للجسر مثل اسحاق وان كان يخالفنا في اشيء فلا زال الناس يختلفون الافهام مش هتكون كلها على واقع واحد

دلالة النص قد تكون خفية. يوفق واحد يجيبها من تحت وواحد تاني يقول مش لاقى له دلال - 01:04:09

مسألة الفهم دي الفهم ده يتفاضل فيه الناس. حتى يكون الرجل فاضلا وقد تغيب عنه مسألة او او مسلا لا يستطيع ان يفهم واقع

مسألة. ما هو هنروح بعيد ليه؟ وداوود وسليمان اذ يحكمان في الحرف. اذ نفشت فيه - 01:04:28

صنم القوم وكنا لحكمهم شاهدين ففهمناها سليمان وعلشان ما فيش حد يتصور ان عدم الفهم في مسألة جزئية يقدر في صاحبه.

قال وكلا اتينا حكما وعلم مسألة الافهام دي اه ما انت ممكن تغيب عنك مسألة وتغيب عن اخيك مسألة خلاص. هذا نوع تفضل من من

رب العالمين سبحانه وتعالى - 01:04:47

يبقى شف حتى الخلاف كان شكله ايه؟ اخدوا النفس الزكي ده من الصحابة عشان كده بقول لك اطلع لفوق فاستريح. تنزل لتحت

هتتعب قلبك هتشوف بقى آآ صراع الاقران وكلام الاقران ومش عارف ايه والجرح والتجريح. ما هو ما عدش تعديل. دلوقتي مش ما

عهاش غير الجرح والتعديل. لا بقى الجرح والتجريح - 01:05:15

دلوقتي وخلاص اذا كان لك حسنات يدفنها كلها على بعضها في كلمة واذا كان لك فسفسة غلط وطلعها واعملها زي القبة كده لا ما

كانوش كده. هؤلاء لم يتأدبوا ما وصوش في في في القرن الاول ولا في القرون التي جاءت بعد ذلك. آآ وقد نسجت على منوال -

01:05:37

في ترجمة الشافعي من سير اعلام النبلاء يقول يونس ابن عبدالاعلى يونس ده طبعا امام كبير يعني يقول يونس ابن عبد الاعلى وهو

احد تلاميذ الشافعي قال اختلفت انا والشافعي في مسألة - 01:05:55

فجاءني فطرق بابي واخذ بيدي وقال يا ابا موسى الا يستقيم ان نكون اخوانا وان لم نتفق في مسألة اختلفنا في كل حاجة. ما

ينفعش نبقى اخوات وطبعا المقصود بها مسائل الفروع ها؟ مش مسائل الاصول. الاصول لا تحتل - 01:06:11

اصول لا تحتل انما الفروع اللي ممكن يبقى فيها قول واتنين وفهم ده اللي الشافعي يقصده الا يستقيم ان نكون اخوانا وان لم نتفق

في مسألة ايوة ان اختلفنا في كل مسألة حتبقى الاخوة - 01:06:35

اللي ممكن تلمني بك تجمعني بك الا الاخوة فانا عايز اقول ادي الهرم اهو اذا اردت السلامة اصعد الى فوق ما تنزلش تحت اصعد الى

فوق دي هي ترجمة قوله صلى الله عليه وسلم ما عليه اليوم انا واصحابي - 01:06:49

يبقى انت بقى تهتم بدراسة حياة الصحابة فقه الصحابة آآ فقه التابعين. شوفوا ولزلك الائمة حتى الفقهاء آآ الذين احيوا فقه السلف

زي ابن تيمية رحمة الله عليه. لما يتكلم في مسألة يقول لك وهذا قول علي وعمر وعثمان وابن عمر ومش عارف ايه وهو قول

التابعين لسعيد ابن جبير - [01:07:13](#)

وبه يقول لاحمد ومش عارف ايه احدى الروايتين. ابن تيمية ببجيبيها من فوق احنا بقى لما بنيجي ندرس فقه والكلام دهوت لما بترفع

سقفك اوي اوي اوي وتقول انا خلاص طرت توصل لابن تيمية - [01:07:34](#)

قول قول ابن تيمية وابن القيم ومش عارف ايه قل من يقول هذا قول سعيد ومش عارف مين وبتاع ما بيقولش الكلام ده الا واحد

درس فقه السلف من الكتب من الكتب التي تعنى بذلك. يعني الكتب التي تعنى بذلك. اللي عايز يتفقه صح يعني - [01:07:52](#)

عليه خمسة كتب. اللي عايز يبقى فقيه الزمان ما فيش حد يطلع فوق خالص لو درس الكتب الخمسة دي فهو الفقيه حقا كتاب

الاوسط لابن المنذر كتاب السنن الكبير للبيهقي - [01:08:08](#)

كتاب المحلى لابن حزم كتاب التمهيد لابن عبد البر كتاب المغني لابن قدامة خلاص؟ لا هو هي شف الكتب دي الكتب دي نص الذهبي

نص الذهبي على اربعة منها وانا زودت واحد - [01:08:32](#)

واحد الذهبي قال من من علم ما في هذه الكتب فهو الفقيه حقا. الكتب الاربعة اللي الذهبي قالها المغني لابن قدامة المحلى لابن حزم

التمهيد لابن عبد البر السنن الكبير للبيهقي. انا زودت الاوسط لابن المنذر لان هذا الكتاب سماء - [01:08:55](#)

دي كتب الادلة يعني بالزات سنن الكبير للبيهقي ساعات بيجي لك اثر عن الصحابة ما انتاش عارفه صحيح ولا ضعيف. في فتوى من

من الفتاوى. ابن قدامة بيذكر آثار الصحابة ولا يحكم عليها. بل كثير من الاحاديث - [01:09:18](#)

المرفوعة لا يحكم عليها ايضا. البيهقي بقى ما يجيبلكش حكم الا يجيب لك من قال به مثلا من الصحابة والتابعين بالاسناد فانت لو

كنت رجل بتنظر في علم الحديث والكلام ده هتعرف اذا كان صح الاسناد الى قائله من الصحابة او من - [01:09:33](#)

مم طال بنا الكلام. والحديث ده عايز له شوية كتار. لكن انا بطلع وارجع وكل ده اقصد به تأسيس المعنى. فهو يعني اخيرا يعني حتى

لا يعني آآ نطيل. ولسه احنا يعني آآ كنا عايزين نتكلم على القرآن ونتكلم على واعظ واعظ الله في قلب كل مسلم - [01:09:55](#)

اللي هي النفس اللوامة ولكن آآ ان جمعنا الله عز وجل بكم يعني مرة اخرى لعلنا نرجع فنستكمل هذه المعاني. لكن اللي انا عايز اقلوه

لطالب والنجاة وبمناسبة قوله صلى الله عليه وسلم ما عليه اليوم انا واصحابي هو كل ما تصعد الى فوق وتراعي القرون الاولى -

[01:10:19](#)

من جهدي كما قلت الاعتقاد الفقهي السلوكي الكلام ده سيسلم لك دينك وتشعر بلذة الاسلام اقرا في مسائل الورع مسائل الورع عند

الصحابة غير مسائل الورع عند ائمة البصرة المتأخرين - [01:10:39](#)

لما تقرأ في في في مسائل الورع عند المتأخرين تحس ان انت عايز تلقح نفسك في البحر تقرأ عند الصحابة يسهل عليك ان تنقاد

وتنفذ يعني اقول لكم اختتم يعني بمسألة من وسائل من من هذه المسائل عند الصحابة - [01:10:56](#)

ومسألة اخرى عند بعض ائمة المتأخرين في معجم الطبراني الكبير بسند صحيح عن سالم بن عبدالله بن عمر رضي الله عنهما

رحمة الله على سالم ورضي الله عن ابيه - [01:11:17](#)

قال عرست في حياة ابي. عرسته يعني ايه اتجوز يعني؟ في حياته. فاذن ابي الناس عبدالله بن عمر الصحابي بقى اربع الصحابة بقى

والناس بقى عشان يحضروا عرس مين؟ عرس سالم. ابنك - [01:11:36](#)

قال فجاء ابو ايوب الانصاري واذا ستارة على الجدار فوقف ولم يدخل وقال انتم تسترون الجدر قال سالم فخفض ابي رأسه

واستحيا وقال غلبان النساء يا ابا ايوب انا ما كنتش عايز كده بس انت عارف النساء بقى وعايزين يفرحوا بالولد ومش عارف ايه

عملوا القصة دي - [01:11:52](#)

قال له ايه قال لان غلبنا احدا لا يغلبك مش انت اللي تقول لي انا اتغلبت فحاكمه الى مذهبه في الورع مذهبه هو. لان عبدالله بن عمر

انتم عارفين تورع عبدالله بن عمر - [01:12:25](#)

لو كان عبدالله ابن عمر لم يظهر عليه ما ظهر ما كانش ابو ايوب لا نهو على شيء من ذلك. والا اكيد كان في صحابة جالسين ما كانوش



كلهم تابعين يعني - 01:12:45

اكيد عبدالله بن عمر لما دعا الناس كان فيه صحابة ولا يؤثر في اي طريق من طرق هذه الحكاية ان بعض الصحابة آآ راجع ابن عمر في مسألة الستائر - 01:12:58

يبقى اكيد انه يرون الجواز جواز انك انت تشد ستارة ما هو النبي عليه الصلاة والسلام في صحيح مسلم قال ان الله لم يأمرنا ان نستتر الجدران واللبن فقال النووي وغيره ولم ينهنا - 01:13:12

يبقى شد الستائر فيه تفصيل. ذهب بعض العلماء الى ان المكروه في شد الستائر انك انت تعمل الجدران الاربعة ستائر وعللوها بان هذا يشبه كسوة الكعبة ومش عارف ايه والكلام من هذا قبيل يعني. لكن لو انت شديت ستار على نافذة بس عشان تستر الكلام ده فهذا جائز لا اشكال فيه - 01:13:30

لكن يبقى مسألة ايه؟ انك تستر بقى الجدران واللبن كلها على بعضها. فانا القصد بقى ايه؟ ان ابا ايوب الانصاري حاكم ابن عمر الى مذهبه في الورع طالما انك اخترت الخطة دي وماشي على الخطة دي ينبغي ان ايه ينبغي ان يلتزمها - 01:13:50

خلاص؟ ورجع ابو ايوب الانصاري ابن عمر حتى لو كان يرى مثلا ان كراهة ذلك او او ان المسألة فيها غممة لكن يعني جائزة من وجه وانها آآ يعني النساء والاولاد والكلام ده فله ان يتسامح فيها. لما تنظر الى مسائل الورا عند المتأخرين - 01:14:07

لا اقول انهم كانوا يصطنعون او يمثلون لأ لكن حصل عندهم تشقيق في مسائل الورع فكبر عليهم الامر كان الواحد يسمع الآية يغمى عليه ويظل عدة ايام كده يعودونه وهو مريض مش قادر يقوم على حيله عشان سامع ان عذاب ربك لواقع. مسلا - 01:14:28

الصحابة ما كانوا بيسمعوا الآية لكن كما قالت عائشة رضي الله عنها ان القرآن اكرم من ان تنزف عليه عقول الرجال ده كان يسمعون القرآن يفوقوا اقصى حاجة ان جلده ينمل ولا حاجة وقلبه وبعد كده ينسبط والكلام ده. لكن حجة يغمى عليه. يغيب عن الوعي بالقرآن - 01:14:50

تقول ان القرآن اكرم من ان تنزف عليه قلوب الرجال. لكن حصل نوع زي يقول لك من تشقيق الورع. حصل تشقيق تشقيق تشقيق حتى صعب عليك ان تتأسى بواحد من هؤلاء العلماء - 01:15:12

وممكن ترجع وتحتقر نفسك تقول انا عمال القرآن بيقرا علي ولا اغمى علي ولا مرة. ده انا كده مش نافع. ده انا هروح في داهية. ده انا مش عارف ايه. ممكن تيأس من نفسك - 01:15:24

غير لما تبص للصحابة فوق تلاقي الدنيا سهلة خالص. الدين سهل وما فيش فيه اشكالات ولا فيه تعقيدات ولا فيه تصفيقات. فانت من مصلحتك عشان حتى حياتك تبقى وردية يعني وتسعد - 01:15:34

في حياتك ان انت تطلع الاليه؟ تطلع لفوق. يبقى لما يكون انا عندي ثلاثة وسبعين بابا من الابواب دي وعلى كل باب داع يدعو ويقول الجنة من هنا. اوعى روح للباقيين ده حيودوك جهنم وبئس المصير. قد يكون رجل زي ما قلت له لسان وله لب والكلام ده. وانت فاضي خالص تدخل الباب فتهلك - 01:15:47

يبقى عشان تنجو وانت بتبص للمذاهب دي كلها لابد ان تعرف ما كان عليه الصحابة مع في زمان النبي صلى الله عليه وسلم وما كان عليه الصحابة في زمانهم وما كان عليه التابعون ولا تتجاوز القرون الثلاثة الاول. فكل قرن محمود جاء بعد ذلك - 01:16:06

انما يقاس على هذه القرون الثلاث. اسأل الله تبارك وتعالى ان ينفعني واياكم بما علمنا. وان يعلمنا ما جهلنا. اقول قولي هذا واستغفر الله العظيم - 01:16:25